

Nastavlja se realizacija programa "Obuka za tržište rada 2025"

Federalni zavod za zapošljavanje od 10.09.2025. godine nastavlja prijem novih zahtjeva nezaposlenih osoba registriranih u Federaciji BiH za izdavanje vaučera za obuku po programu „Obuka za tržište rada 2025“. (više informacija o Programu dostupno je na link [Program_zaposljavanja_mladih](#)). Nezaposlene osobe koje su pohađale obuke na osnovu vaučera po ovom programu iz 2023., 2024. i 2025. godini, nemaju pravo na podnošenje novog zahtjeva. Nezaposlene osobe kojima je dodijeljen vaučer u 2025. godini, a nisu ga iskoristile/pohađale obuku, mogu ponovo podnijeti zahtjev za izdavanje novog vaučera. Rok važenja Vaučera za obuku je 60 dana od dana izdavanja istog. Svi vaučeri izdati nakon 15.9.2025. godine, prestaju važiti 15.11.2025. godine. Zainteresovani poslodavci prijavu na javni poziv sa potrebnom dokumentacijom dostavljaju kantonalnoj službi za zapošljavanje (sjedište kantonalne službe, zavisno od kantona u kojem je nezaposlena osoba evidentirana). Poslodavci koji imaju do 5 zaposlenih mogu izvršiti obuku za maksimalno 10 osoba sa evidencije nezaposlenih FBIH u 2025. godini, dok poslodavci koji imaju 5 i više zaposlenih mogu obučiti maksimalno do 25 osoba u 2025. godini. Zahtjevi poslodavaca koji su već iskoristili limit u 2025. godini neće biti razmatrani. Poziv ostaje otvoren do utroška sredstava, a najdalje do 15.11.2025. godine. Nepotpune prijave neće biti uzete u razmatranje.